CBETA電子佛典集成

CBETA Chinese Electronic Tripitaka Collection eBook

T85n2752

法華問答

財團佛教電子佛典基金會

目次

- 編輯說明章節目次
- <u>券目次</u> <u>1</u> <u>贊助資訊</u>

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Uni code 3.0 為基礎,不在此範圍的字則採用組 字式表達。
- 梵文悉曇字及蘭札字均採用羅馬轉寫字, 如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題,歡迎來函 servi ce@cbeta..org 回報。
- <u>版權所有</u>,歡迎自由流通,但禁止營利使用。

No. 2752 [cf. No. 262] 法華問答

方便品十條 問。方便品五分破二明一。云何五分云何破二明一 答。五分者。一歎妙法功德分。二歎法師功德分。三疑請分。四授 記分。五斷疑分。破二明一者。破二乘執明一乘道。何者歎妙法分 標所明一。歎師分示能明之人。疑請分即所破之二機。授記分是能 破之一道。斷疑分更總定時處。通明機五分略同一乘義現故。曰五 分破二明一 問。諸佛智慧甚深無量。何者是智慧何者甚深 答。 智慧有二種。一一切諸佛如理智。二一切種智。謂如無量智。甚深 亦二種。一證甚深。謂理法。二阿含甚深。謂教法阿含。此翻為淨 教 問。證明甚深有五。何者是五 答。一義甚深。二實體甚深。 三內證甚深。四依止甚深。五無上甚深 問。論說法師功德有四 種。何者是四 答。一往成就。謂起眾生機。二教化成就。謂六通 身是。三功德畢竟成就。謂智定圓滿。四說成就。謂四辯說法。是 名法師四種功德 問。止止不須說者如智慧周萬物慈洽。四生何不 當機即說而便唱土以要諸者何一答。洪鐘雖響。必待擊而方鳴。大 聖雖慈。亦待請而方說。若請而說。或致自讚之機有情方便令生企 道之教 問。示悟入云何著外示答。開是開佛果。謂一切智。示示 是佛體。調真如法身。悟佛障。調無明煩惱。入是佛圓。謂令入不退地。是名開示悟入著外 問。經云若比丘實得阿羅漢。若不信此法無有是處。若示一切聲聞皆應授記。云何決定性聲聞阿羅漢而不授記作佛 答。依佛教故生信。自未解故不記。故上文言信佛悟故隨順此經。非己智分即其證也 問。諸法從本來常自寂滅相者。此一偈顯何法體 答。此偈明三種佛性。諸法從本來常自寂滅相者。自性住佛性。佛子行道已者是引出佛性。來世當作佛者。是至得果佛性 問。是法住法位一偈顯何義 答。此偈明諸佛三身。是法住法位者。明法身者。道前為法住。在道復為法住。時滯生死為世間。在法位時證涅槃常住。於道場知己者。明應身知法身。道師方便說者。是化身。為眾生說法身 問。何故於三七日中思惟而不說法 答。先受三昧樂故。梵王未來請故。眾生根未熟故。所以於三七日中不說法。

譬喻品二十二條 問。論說十種對治及十種無上名顯何義。并列其名 答。十種對治顯破三義。十種無上顯明一義。十種對治者。七喻三平等。七豐者。一火宅豐。二窮子豐。三藥草豐。四化城豐。 五繫珠豐。六髻珠豐。七醫師豐。三平等者。一乘平等。二世間涅槃平等。三身平等。七豐對治有煩惱人病。三平等對治無煩惱人顛倒信。用此十對治破二十障。十無上者。一種子無上雲雨示現。二修行無上大通智勝如來示現。三增上無上商豐示現。四解無上繫豐珠示現。五淨土無上寶塔品示現。六說無上解珠譬示現。七教化力無上踊出品示現。八菩提無上壽量品示現。九涅槃無上醫師譬示現。十勝妙力無上餘殘修多羅示現。用此十種顯菩薩道 問。國邑聚落有大長者。國邑聚洛譬何法。有大長者譬何人 答。國邑聚洛譬如□境。有大長者譬如來身。國為大處譬如來智慧境。以一切世界為境故。邑為中處譬如來神通境。以十億三千界為境故。聚落為小處譬如來說法境。以三千大千世界為境 問。長者見是大火從四面起。大火豐何法。四面豐何法 答。大火豐苦體。謂苦苦壞苦。

四面譬苦具。謂生老病死。如來以他心智知眾生三苦之火。從生老 病死而發故。言從四面起。生為東面。老為南面。病為西面。死為 北面 問。譬如長者有一火字譬何法復以何法為體 答。火字譬於 三界。以眾以眾生本識為體。本體者籠括空有網羅。天地攝搏色根 含藏識種時歷三僧祇位階。五十聚悠悠長道故謂之火宅。舊翻阿賴 耶識為家識。斯火宅之馳也 問。何故火宅唯有一門而復狹小 答。唯一佛教能背火宅。諸外道教不能出故曰唯有一門。小乘教中 不人人小乘闊度眾生所以言狹小。今小乘求大菩提。何以言小。然 則大能權小所以菩薩從中而出不心怖大所以二乘不問大門。而以是 故窮子門側則悔來至此。長者放命便則外走也 問。是火宅中有五 百人。人數何限獨以五百為數 答。五百人者喻五道種子。以十業 為因以十使為緣。因一使發十使發百業。一道有一百五道即五百 故。以五百人譬五道種子也 問。當以衣裓若以机案從舍出之。衣 裓机案各譬何法 答。衣裓譬甚深禪定。机案譬平等大惠。禪定能 起三十二相。令物至信大惠能說力所畏。今物生智。以此二用從舍 出之。問。云何名為東西走戲視父而已。答。東方為苦諦。西方為 集諦。北方為滅諦。南方為道諦。子證苦即是走戲東西。父證滅道 即是往還南北。東能隨逐。但可顧瞻而已。雖未隨父。終有會化之 期故言視父 問。云何名皆四衢道中露地而坐 答。四衢道中。謂 四諦心見中學地有障可言覆無學障盡故言路。所作已辨故言而坐 問。門外三車譬於何法 答。譬三乘。羊車譬小。鹿車譬中乘。牛 車譬大乘。羊形小而力小故譬聲聞小乘。鹿形中而力中故譬緣覺中 乘。牛形大而力大故譬菩薩乘 問。三車譬智。化城譬何意 答。 車是遊戲之具故以譬智。城是息疲之所故譬斷 問。設車以誘諸子 言不其開問以出諸子言一不言三何也 答。問可貴賤同行所以言一 不言三。車則尊卑別載所以言二不言一問。何故門外引子智以三 車道中自子而以一城何也。答。車是獨載之物。是故言三以外引。 城是眾苦之所是故言以總入問。諸子出於門外不見車而索車。諸 子苦於道中不見城何故不索 答。車為虛指令取之不得。是以索

之。城為實化入入即是得何須索之。說引息有霑實兩用以門外有索 道中不索 問。何故火宅之中乃言諸子爭出火宅。化城中乃言眾人 前入化城 答。諸子在家以生死為火宅。由求離故。何以爭出。眾 人苦道以涅槃為化城。由求諸故所以言前入 問。火宅中何故言汝 等出來。化城中何故言汝等去來 答。火宅是舊苦之處。前說未有 出故喚言出來。化城是中息之所。說息己故喚言去來。問。云何名 互相推排競共馳走爭出火宅 答。互相推排者為所狹小。競共馳走 者。譬登八正之路。爭出火字者。譬免五痛之災。五痛者破五戒得 五燒為五痛。出無量壽經 問。云何名等一大車復駕以白牛 答。 以一切智為大車。駕以白牛者。以大悲為白牛。車以運載為義。悲 拔苦為能非智運拔眾生如牛引物故。涅槃云。是故稱佛為大非牛 問。云名故名物貪麁弊色聲香味觸 答。色聲香味觸是五言言界 故。言麁污人稱弊也。問。長者門內許子三車。而門外與一車。於 三則許當不與。於一則與而不許。此非長者虛妄耶 答。長者全其 **驅命利益事實故非虛妄 問。經云如來利益一切人生三界。未審五** 生中以何生生於三界 答。五生中以最後生而生三界。五生者。一 息苦牛。二隨類牛。三最勝牛。四增上牛。五最後牛 問。經言火 宅何法是宅。何法是火 答。三界為宅。三苦為火。苦受以苦苦為 火。樂受以壞苦為火。捨受以行苦為火。欲界具三火。無色界具一 火。是故火名火宅。

信解品三條 問。窮子五十餘年。何名五十年後得一日之價 答。 以五十二賢聖為五十餘年。所謂十信十解十行十迴向十地。是名五 十。菩薩等覺二位名日餘年。小乘示得涅槃故云一日之價。

藥草喻品一條 問。三草二木各喻何人 答。小草喻凡夫。中草喻 二乘。大草喻地前菩薩。大木喻後三地菩薩。小木喻初地至七地菩 薩。是名三草二木所譬之人。 授記品二條 問。聲聞有幾種授記。何者聲聞作佛 答。授應化聲聞退菩提心。聲聞作佛以根熟故。決定性及增上慢不授作佛以根未熟故 問。若前後二俱授記作佛可使破二明一。後既不授作佛應非破二明一 答。授通授記故四種皆破。據外授記故兩不記 問。菩薩發心理應進發。有何障礙退作聲聞。假顯退由示其性弱 答。此至本發大心希大果中間須行八萬四千波羅蜜行。後經三大阿僧祇時。雖言鼓玄掉於法流怯長波而自息。由是菩薩退作聲聞。故上文言佛道長遠久受勤者乃可得成。我等疲極。今言退還即自證也。

化城喻品一條 問。如來初立作城引接何人。後滅引接何人 答。 為引凡夫至聖故。立作城為喻。小乘入大乘故滅為作滅作差別 問。兵將破敵應酬重賞。何故不解明珠乃賜田宅。為是輪王有燒為 是將士動一輕仰頓所由使無監 答。王心神珠價重唱賞不伐之勳。 佛以妙法經擬被罰群之力。若使勳輕賞重眷屬必致驚嗟。法大機 小。菩薩能無怪或所以未解明珠且賜田宅。

壽量品一條 問。時我及眾僧俱出靈鷲山者。為是報佛為是應佛。若是報佛靈鷲山即是應報土。若是應佛不應道常在靈鷲山 答。實是報佛故常在靈鷲山。由現應相故現有滅不滅。靈鷲山者。約體即法性之山鷲應說是靈鷲山故。論云如來淨土即第一義諦攝。

法師功德品一條 問。持經人得幾種功德。仰顯其數。又得六根清淨。何故功德多少不同者 答。六根淨土令得千功德。顯數者。以十善為本。一善以九善助成十善。各九即九十善。通其本十即為一百。自持經得一百。勸人持經得一百。自勸人讚嘆持經人得一百成四百。即此此十善從心所生生善。三心有其三品。謂上中下。以經力故。上品心中得四百。中品心中得四百。下品心中並得四百。合三令成一千二百功德。眼鼻身三根。以持經功用劣故。唯得中下品。各得八百功德。三八二十四即二千四百。耳舌意三根。以持經功德能勝故。得具三品心別各四百。一根一千二百。三根三千六百

帖。前二千四百合成六千功德 問。經云種種諸瓔珞無能識其價聞 香智貴賤出處及所在者。此乃是鼻識所知應言臭。何故言聞。未知 所以假碓各并辯其人。於何所任得此功德能也 答。六根雖殊心識 是一。鼻雖受入分別。是以遙臭故義同。於耳故言聞也。何行位者 四依法者。若依經文即有五種。法師受持讀誦解說書寫即通凡也。 故法花論云。此得六根清淨。謂凡夫人以經力故得勝根用。又云。 諦根亦互用。——根中皆得。乃色聞香別味覺觸故。下文言雖未得 菩薩無漏法生鼻而是持經者即其證也。問。何名八萬四千波羅蜜。 具數列名 答。波羅蜜名西域梵音此翻名到彼岸。行此諸行過生死 何登涅槃彼岸也。列數者。佛具三百五度功德。始從放光乃至涅槃 有三百五十度功德。一一功德以六波羅蜜助成。計當二千一百。又 云。四大并六塵即為十。此各具二千一百。計當二萬一千。得四四 別二萬一千即八萬四千法門也 問。一百八煩惱何者是 答。十使 煩惱為本。十使者。貪瞋慢癡無明名鈍使。薩迦耶見邊見見取戒取 邪見名利使。此十於三界四諦。四諦各十。下欲界即四十。色無色 界八諦。中各除瞋。即八九七十二。通言四十即一百一十二。此謂 見道也。修道中有貪瞋無明慢薩迦耶見邊見。欲界具六色。無色界 各除瞋並有五。即為十。通下界六即十六。謂修道煩惱通凡合一百 二十八煩惱。前一百一十二見道所斷。後十六修道所斷。初地各見 道二地已者名修道。此謂大乘見修煩惱 問。信解品中明何義 答。信解品中明窮子譬。對聲聞人一向倒。此即是聲聞種姓人。如 來方便於獲大寶。故論云。聲聞人一向增上慢我乘與如來乘等無差 別。對此顛倒故說窮子喻 問。信解品中長者是何身。脫珍御服著 垢衣裳是何。長者化何等人設具釋 答。寂滅道場無畏之莊嚴。飾 革麗身。盧舍那身所說之法。是花羅等教。所被之機純諸菩薩。鹿 苑中脫珍御服著弊垢衣者。是釋迦身所說之法。是四謗法苦集滅道 五乘難眾。是人天等乘機有大小教有淺深 問。藥草喻品明何義 答。藥草喻品中對治求大乘人一向到此。是菩薩種性人。教雖一味 等被三。藥草喻中明一味之雨。三草用潤合知根外破其迷一故。論

云。大乘人一向增上慢無別。聲聞辟支佛乘對治此顛倒故說藥草 喻 問。十二因緣假釋名出體一一具釋 答。親生名因助發為緣。 列不同有其十二者。一無明・二行・三識・四名色・五六入・六 觸・七受・八愛・九取・十有・十一生・十二老死。迷心不了故曰 無明。咸果遷謝目之為行。現心了別名之為識。四名名色。陰名色 根。心名六人。和會根塵名之為觸。領納違順名為受。於境深著名 之為愛。四方追求名之為取。能有當果名之為有。未來初起曰生。 根德衰變為老。果根代曰死。釋名如是。言體性者。無明愛取以煩 惱為體。行有二種以業道體。現在五果。未來生老死以苦道為體 問。五百弟子授記品中明何義 答。對治無定人。散亂心即是菩薩 種性人習道不進。要昔大善修空邪僻故名散亂。繋珠譬中。示衣珠 令其記憶。故論云。散亂心人實無有定。過去有大乘善根而不覺 知。被不求大乘。於狹劣心中生虛妄解。以為第一乘。於治此故說 寶珠譬。妙亦是合解無上故。論云亦現令解無上。故說繫珠譬 問。記云緊珠衣喻何法。珠喻何法。何時得珠。何時失珠 答。衣 喻阿賴耶識所動為因。法珠喻聲聞。法花一乘之教。發菩提心修菩 提行能動本識。猶若繫珠。何時失珠者。大遍晦過之後沙彌息教之 時背教既遙。又流生死妄於本解故曰失珠。何時得珠者。釋迦出世 演教靈山還得本悟故稱得珠 問。授記品中明何義 答此品明與四 大聲聞迦葉須菩提迦旋延目連等授記。亦名受記。如來談與記名之 為授。弟子領記名之為受 問。化城喻中明何義 答。明對治有定 之實無而有增上慢。即凡夫有漏定實非涅槃。於中妄起生涅槃相故 名為倒。以權立化城進近令違故。論云。實無有增上慢人。以有世 間三摩拔提實無涅槃牛涅槃相。對治此故說化城喻 問。聲聞緣覺 各得涅槃。如何共住化城一答。二涅槃同離一障謂煩惱障故曰一 城 問。云何名大乘。何者為一乘 答。一是攝五之總名大是四三 之別稱故。下經云。十方世界由唯有一乘法。唯此一事實餘二則非 真。除佛方便說。五乘雖復殊分究竟同歸一法。言大乘者。為對三 根故稱大也。下文又言。菩薩求此乘故名為摩薩。言一者一味平等

理也 問。如來功德超越十方讀誦之至未逾三界。云何罵佛尚輕嗔持經至得罪乃重 答。若就因為論。因有厚薄。境有尊卑。則罵佛甚重。毀持經人極輕。令就違順境中以明輕重。如來心在平等門中離愛憎。出入到去八風心行平等毀譽不動其罪即輕。始行菩薩代弘經利益眾生。慈悲攝化廣度一切物廢化斷利佛種。就化為論故言罪重。

壽量品約判三佛菩提。三者法菩提故。下經言釋官託生伽耶來。此 是化菩提。又言諸善男子。我實成佛以來。經無量無邊那由他劫。 此是根佛菩提。又經言非實非虛非如非異不如三界見於三界。此是 法菩提也。問。長短無乖有無願返。云何六十小劫。謂如食頃理隔 言違若為分雪 答。六十之與食頃俱為時收雖復長短不同草不識心 變異。若心存分別則長有殊。若三界唯心則長短無二。是以須彌納 芥子萬國俱舉毛端。斯乃心長則長亦非定有長短 問。何因履水躍 火俱稱名而不禮拜。求男請女則拜而不稱名者何設具釋 答。觀音 化物救難為懷既號觀音。理須稱歎。孤獨請求男女難苦未絕身躬所 以得蜜禮拜牟過水火之災交恐命將殞。遂急但得稱名何假屈身禮 拜 問。提婆達多品中明何義 答。品內顯法花經有三。一由達多 者說此法花故。自致成佛有成佛力。二由文殊說此法花經故。無邊 菩薩悟道故廣大力。三由龍女修行現身成佛故。即揀疾力 問。六 何藥王其有讀誦法花經者。當知是人以佛莊嚴則為如來局所荷擔其 義云何 答。此是諸品中經文。謂入如來室著如來衣坐如來座故。 以莊嚴乃至扃所荷擔也。問。此經云開方便門示真實相。答。方便 門者。開小乘方便門。入一佛乘是真實 問 見寶塔品中明何義 答。明清淨國十無上。故論云。示現清淨國十無上故。示現多寶如 來塔 問。云何名有功德人 答。是有學聲聞人。斷少煩惱故有功 德。解珠譬中。前賜由宅明與小果。後賜明珠與大眾故為對治論 云。有功德人說大乘法。而非大乘對治。此說王解髻中明珠與之譬 喻亦名說無上。問。從地踊出品中明何義。答。明教化眾眾無上

故。論云。示現教化眾生無上故。說無量菩薩從地踊出。問云何對 治不舉功德人 答。即三乘種性人。佛說一乘不肯受持修習故。醫 師譬中。明醫師設增權身癡子始眼妙藥佛現滅度鈍性萬修一乘故。 論云。無功德人於第一乘不舉功德。說第一乘不取對治。此故說醫 師譬喻。應知復是涅槃無上。故論云。不現涅槃無上故說醫師譬 問。何名陀羅尼用何為體答。亦以惠為體故。涅槃云。陀羅尼者 亦大念。亦名無事惠念者定也。定能生惠故。維摩經云念定持即其 義也 問。何名呪 答。呪辭不出三義。或說三寶功德使聞者發 心。或說大神力勢使諸魔驚退。或說甚深法相使聞者得悟 問。方 便品中為小乘人說九部經。十二部中不說何經 答。無授記經。無 無自說經。無方廣經 問。經云。中有人言。汝諸子等先因遊戲來 入此定中。有人言。汝諸子等是何人來入此宅從何處來 答。聞有 人言中十方諸佛言來入此字者。凡夫人等行雖未出願門。已出其人 夫本願故來入此字 問。汝來說法必有要歸。未審此經以何為宗 旨 答。諸師辯宗各各不同。今依徵宗有二種。一者體宗。二者用 宗。非二非一。是其體宗。破三歸一。是其用宗。法無二會。對器 得名。會假歸直。形三一立三名無遣一號亦三故。法句經云。一亦 不為一為欲破諸數淺識之所聞見一以為一即其義也。淨法師以一乘 為宗 問。佛說法花經。何以不入法花三昧。乃入無量義處三昧 答。法花論云。此大乘修多羅有十七種名。第一名無量義處經。第 十六名法花。故知入無量義處三昧即入法花三昧 問。何故欲說法 花。在眉間豪相放光不在餘處放光 答。說此法花。欲表一乘中道 故在眉間放光 問。此經既明一乘甚深之行。何故不告菩薩乃告聲 聞 答。論明有五義。故不告聲聞為諸聲聞所化事故。二為諸聲聞 迴取大菩提故。三為談諸聲聞恐怖弱故。四為令解人善思念故。五 為諸聲聞不起所作已辨心故 問。法花會上乃有一萬二千聲聞。故 獨告舍利不告餘人 答。舍剎弗與如來相應。是以獨告舍利不告餘 人。問。佛放光明計應普照。何因唯照有頂已還不照空處已上 答。解有二種。一二乘先是色法唯在有頂不及空處以上。二就大乘

解。如來光者遍一切無物不照 故經說言上到有頂下至水際。此就 化相說遍通十方據大乘說 問。經云有比丘實得阿羅漢。若不信此 法無有是處其義云何 答。謂退菩提心聲聞及應化聲聞得成阿羅漢 者。於法花一乘之法決定生信。此乘無有是處 問。云何名五濁。 何者是五濁 答。濁亂不清淨名之為濁。濁義不同有其五。經一劫 二煩惱三眾生四見五命。劫者時也。劫中有為濁故曰劫濁。煩惱者 今四住他門名煩惱。煩惱迷心名為煩惱濁。眾勞亂行人名為煩惱 濁。法成牛名眾牛濁。邪見決斷名為見濁。違持色以名之為命體從 名命濁五何壽命申夭名為命濁。出體者以衣食等命緣為劫濁體。以 貪瞋癡三毒為煩惱濁體。以命根為眾生濁體。以五見便為見濁。以 命根為體 問。現瑞何故彌勒牛疑正說之中由子騰清 答。現瑞捅 來一部經因果之義。唯佛能了窮子未知。所以彌勒疑也。正說之偏 對身子。身子是執異之瑞故。牛疑致請也。問。既云樂小法者。何 故復言貪著於生死。等。現在機緣於過去久遠貪著於生死。又解樂 於小法則是貪著於生死。以小涅槃即是大乘生死 問。人天善根既 所德。云何此經比已來佛道 答。人天善根比是德佛之違緣故云成 佛也。問。何為兩足尊。答。或心定惠為兩足。或以權實為兩足。 或以緣行為兩足。或以人天為兩足 問。故云何名觀樹亦經行 答。如來在此樹下。成道念根樹思故。達行者本為取道故坐命得道 意是故經行 問 佛為眾生故出計應說法。何事待請耶 答。論 云。佛雖不須請而令請者獲福 問。諸天請不明人請耶 答。天勝 人故明請不明人也。問。譬喻品中明何義。答。品內明初據舍利弗 記。後明火宅譬對治求勢力人倒求增上慢。此是欲界凡夫無勝壞界 理實麁弊非樂計樂故名倒求。火宅譬中光明三車。拔其大苦緣合入 理與其大乘。論云。以世間諸煩惱熾然。人天以為妙境。對治此相 說火字譬 問。此經大宗破三歸一味知破三會云何同異 答。據病 為言則破三歸。約行為悟則會三歸一。病則俱破而不會。行則俱會 而不破 問。昔以說諸大乘經為菩薩行。今何因緣復後菩薩行假 釋 答。菩薩有二種。一者直往。二者迴小入大。直往者。花嚴坐

下為諸菩薩說大乘經名無量義經菩薩法佛所護念等故。下文言除先 修習學小乘者如來之人今我得中是經入於佛惠。迴小入大者。即令 法花坐廣說譬喻。心宿草蕃漸淺長等事 問。云何是度五百由旬。 何者是化來。何者是寶所答。五百比是要法三界為三百二百喻習 二乘涅槃。後一百即四住習二乘迴心已知初地。已知為一百即五 百。若以二乘為二百者有妨。以化城是東果已度竟故。化城已後方 便度二百。然二乘未過寶何故須進途二百二界即五道故不通為五百 總為五百。言化城者無而忽有名之為化。防非捍敵目之為城。度三 百由旬眾人度退。商主方便權說二乘滅諦涅槃解其疲倦。今前進同 趣寶所。言寶者諸師不同。隨人有異。今案此文位當種性羅漢迴心 位當十信。若論斷或初地齊功心位同十信。論其究竟佛地方息進 求。今就大乘果滿故言實。何者藏法師以三界為三百。二原為二即 五百。惠淨法師以五道為五百。三途為三百。人天二百即五百。并 此以宗三類不同。地意即同 問。如來十八不共法何者是 答。一 身無失。二口無失念無失。四無不定心。五無異相。六不知以捨 心。七欲無減。八念無減。九智無減。十通無減。十解脫無減。十 解脫知見無減。十三身業修智慧行。十四口業修智慧行。十五意業 修智慧智慧者無障。十七智慧知未來無障。十八智慧智見在無障。 如業身三四口意三。皆悉已離三業清淨故言無失。乃至智慧懸鑒三 世皆悉通達故言無事。此十八者唯佛獨證。菩薩聲聞皆莫能得故言 不共。疏言體者八法為體。謂思相欲勝解念定惠勤。問。何名十 力 答。十力者。一處非處力。二業力。三定力。四四根力。五念 力。六性力。七過處道力。八宿命力。九天眼力。十漏盡力 問。 經云五眾之生滅未知。何者是五眾。假出所數列名釋義 答。五眾 者五陰也。列名者。色受相行識也。色有青黃赤白。乃至識有八 種。五各非一稱為眾。亦可言此之五陰乃有眾多生滅故。涅槃經 云。五陰名眾生。眾生名五陰。即其證也 問。經云即方便說涅槃 真實法。何者是涅槃真實法 答。一切真涅槃妄相真實無生無涅 槃。是名為究竟。即是真實也。不滅名為涅槃。俱為眾生起或不順

正理。廣造諸業流浪生死。對生死故說有涅槃。若能知生死涅槃本 來二不是真實故。上文言我雖說涅槃是亦非真滅。又言諸法從本來 常自寂滅相。楞伽又言。我所說者妄智識滅名為涅槃。即其證也 問。此經既云破三歸一味知三外則有一三內即有一 答。三內即有 一。非是三外別有一所以得知。初出現道樹徘徊三七觀機無堪受大 乘者。何以於一開三分途漸引靈山會上根器方成。攝彼三權總歸一 處。故知三一本自無殊。汝等所行是菩薩道。即其證也 問。經云 道場所得法。未知何者是道場何名所得法 答。道場者。菩提樹下 金剛寶坐。得道處中謂之為場。所得法者。三無數修因成果滿湛覺 真如是得法故。涅槃經云。諸佛世尊。從六波羅蜜三十七品十一空 求至大涅槃。即其義也 問。經云日月燈明佛為妙光菩薩說妙法花 經。滿六十劫時會經者乃如食頃。此即多少相違長短乖反 答。燈 明出世救物為懷悲願不窮。時經六十群機慕道渴仰憶深稟教恬神說 如食頃故。下文言是時眾中無有一人若身若心而生懈倦。亦可言燈 明神力長中短短中現長轉彼心識令如食頃故。下文言釋迦牟尼佛乃 四眾默然而坐。經五十小劫。佛神力故。令諸大眾謂如半日 問。 經云大涌智勝佛十劫坐道場佛法不現前不得成佛道。何故久坐十劫 不得成佛。何名法不現前 答。據論實行因滿名成。為物潛形示言 始就稟機赴咸延促任情。緣彼群品經停十劫化物未暢法不現前。機 教相應方言乃現故。大威德世尊。為度眾生故。於無量億歲爾乃成 佛 問。大通智勝佛。即轉十二行法輪。未知何者是十二行法輪。 假出數列名解義 答。十二行法輪者。謂三轉四諦謂也。三轉者。 一示相轉。二勸修。三引證。示相者謂此是苦。此是集。此是滅。 此是道。勸修者。謂者汝應證道汝應修。引證者。謂引已以為證 者。我已知集。我已斷滅。我已證道。我已修三四即是十二也。又 解四諦各有四行即十二。苦諦下四行者。謂因舉有緣。滅諦下四行 者。謂滅正妙離。道諦下四行者。謂道如我四諦諦別三轉四行各有 十二行。今言十二者。以四諦俱同三共十二。舉其通數言十二行法 輪。

問。經云大聖轉法輪度苦惱眾生。未知大聖是□轉何法輪云何名 轉答。大聖者謂大通智勝佛也。斯乃十方無比三界獨尊。神化通 機故言大聖。轉法輪者以已所得說據群機法從佛流謂之為轉。輪者 以修環運動為義。如來放命機攝眾生。以機行教轉凡成聖故曰法 輪。轉何輪者對彼三根轉三乘教。謂四諦十二緣六波羅蜜也。惣而 言之法輪有三。一名轉法輪。二名照法輪。三名轉輪。三乘別機教 俱識未得究竟。為一乘所收有遷動之名為轉。為大菩薩等說諸部波 若。顯理涂明照彼大機名照法輪。大乘頓教果得圓滿。惣苞三乘眾 聖共臻諸佛護念名持法輪。今明大通三輪俱轉故。上文言時三轉十 二法輪。及廣說十二因緣法。為十六王子說阿耨菩提法。即其義 也 問。經言百福相莊嚴何者是 答。如來具三十二相。一相中皆 以百福者。以十善業為本。十善者始從不殺乃至不邪見。翻其十惡 即名十善。即此十善即五十心初心猛利得五十福。後心終成得五十 福即成百福 問。經云入邪見稠林。若有若無等具足六十二。六十 二見者何 答。六十二見者。謂世間常無常亦常亦無常非常非無常 等四句。有邊無邊亦有邊亦無邊非邊非非邊等四句。如如不如如非 如如非非如如等四句。三四十二句偈洣五陰。——陰中各作十二句 即六十帖。是身命各異命異二句即成六十二。

CBETA 贊助資訊

(https://www.cbeta.org/donation/index.php)

CBETA 成立於 1998 年,於 2023 年 8 月 7 日轉型成為基金會。 成立多年來,一部部佛典在嚴謹控管中轉換為數位典藏,不只數量 龐大,而且文字校訂精確可信,又加新式標點方便閱讀。「CBETA 電子佛典集成」不僅獲得國際學界的重視及肯定,也成為大眾廣為 運用的公共資源,如此成果都是在廣大信眾及有識之士的支持下才 得以實現。

對一個從事佛法志業的非營利團隊,能夠長期埋首理想、踏實耕耘 是非常不容易的。如今,CBETA 運作經費日漸拮据,但「佛典集 成」仍有許多未竟之功。因此,懇請大家慷慨解囊、熱情贊助,讓 未來有更多更好的電子佛典。

您的捐款本會皆會開立收據, 此收據可在年度中申報個人或企業的 綜合所得稅減免。 感恩諸位大德的善心善行, 以及您為佛典電子化 所做的一切貢獻。

信用卡線上捐款

本線上捐款與 netiCRM 及 NewebPay 藍新金流合作,資料傳送採用 SSL (Secure Socket Layer) 傳輸加密,讓您能夠安全安心地 進行線上捐款動作。

不管您持有的是國內或國外卡,所有捐款最終將以新台幣結算,所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

前往捐款

劃撥捐款

郵政劃撥帳號: 50468285

戶名: 財團法人佛教電子佛典基金會

欲指定特殊用途者,請特別註明,我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜,由於付款幣別為美元,我們除了會依您所贊助之美元金額開立收據外,另我們會依捐款當日公告匯率開立台幣收據,此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

線上信用卡 / PayPal 贊助

支票捐款

支票抬頭請填寫「財團法人佛教電子佛典基金會」。

For donations by check, please write the check to "Comprehensive Buddhist Electronic Text Archive Foundation".